

ILLVSTRISSIMVM  
VIRVMTHOMAM MAVROCENVM  
VERONÆ PRÆTOREM.VERONÆ,  
*Apud Hieronymum Discipulum,*  
M D LXXXVII.

2 D

ILLVSTRISSIMVM

VIRVM

THOMAM MAUROCEVM

VERONAE PRÆTOREM.

1617



VERONAE

IN REGNI HIERONYMI PRÆFECTURAM

M D LXXVII



*QVÆ per varios aetheris ambitus  
Gestas Musa volans facta potentium,  
Pennis purpureis scandere gestiens  
Vsque ad lucida sidera;*

*Diuum & concilijs, atque adhibes sacris  
Mensis, conspicuos gloria laudibus  
Quos tollit celebris, nectit & aureis  
Sertis magnus honor caput.*

*Non rixas Lapithum sanguineas, neque  
Ut prolem Danai torqueat horrida  
Frendens Tisiphone carcere squallido  
Inferni recinas caui.*

*Non & terrigenum sacrilegas manus,  
Quas iam pertimuit Iuppiter igneis  
Desertis domibus, dum superis parant  
Sui bella minacia.*

*Mecum sed cythara concine eburnea  
Dulcis Musa virum, quo melius videt  
Nil Sol, siue micans surgat ab aquore,  
Seu se condat in aquore.*

*At unde incipiam carmine tollere  
Laudes egregias prasidis optimi?  
Quis digne poterit dicere Lesbio  
Plectro tam celebrem virum?*

Qui tot præcipuis dotibus emicat,

Quot cælum radians ignibus aureis,  
Phœbi clara soror cum latet æthere  
Pleno sideribus vagis.

Cuius præsidij præta perambulans  
Virgo tuta rosas crimibus implicat,  
Nec tangi metuens lætæa lilijs  
Ornat pectora candidis.

Cuiusq; auspicijs rusticus ingerit  
Large ligna foco, nec vigiles manus  
Latronum trepidat, gramineo in thoro  
Mercator pauidus cubans.

Nunc Pax arua colit, mundaq; Veritas,  
Nunc & diuitibus copia cornibus  
Tetris e tenebris prosiliens, agros  
Reddit frugibus uberes.

O salve superum maxima prouidum  
Cura, ò progenies inclyta, nobilis  
Salve, ò salve iterum, Nestoris & dies  
Viuas Italia decus.

Te clarum celebrant maxima stemmata  
Illustris generis, summaq; gloria  
Insignis patria, cui dedit Adriæ  
Nereus imperium maris.

Sed



*Sed Fas, & Pietas, Religio, almaq;  
Virtus condecorant, promeritum choro &  
Addit Semideum candidior Fides  
Dulcis iustitia parens.  
Sed quid, Dedalei non memor Icari  
Vates, aggredior singula dicere?  
Cessa Musa levis, viribus ingeni  
Hac non conueniunt tui.*

*AD EVNDEM.*

*SALVE grande decus Venetum, certissima proles  
Heroum, cui semper adest cum Pallade, Phœbus;  
Et quem fert volitans auratis Fama per orbem,  
Pennis, concilio atq; adhibet, mensisq; Deorum:  
Illa ego, quæ terras per te inculpata reuiso,  
IVSTITIA, hac querna cingo tua tempora fronde,  
Et primos patriæ titulos, cum venerit atas,  
Nuntio certa tibi. Tunc aurea secula mundo  
Nascentur, terrasq; gemens discordia linquet,  
Optata & veniet Pax, & Concordia cælo.  
Ac ver perpetuum, semper florentibus annis,  
Aura feret Zephyri, sponte & dabit omnia tellus.  
Macte igitur virtute Heros, quem diligit æquus  
Iuppiter.*

Iuppiter, ad tantosq; vocant bona fata triumphos,  
Æternum salve, præstes ut munera pacis  
Æterna, & redeant iterum Saturnia regna.  
Tu interea Verona tuo gratare parenti,  
Et meritos titulos, & candida marmora quare.

AD EVNDEM.

QVOD fuerit iustus, quasitor crimina discit  
Inferni, Minos creditus esse deus.

Innumeris amplum Phæbus quod dotibus orbem  
Ornarit, superum regia tecta colit.

Cur tibi, cui tanta est pietas, qui fasq;, piumq;  
Diligis, & nobis commoda tanta paras.

Non aras Pario statuemus marmore dignas?  
Nec dabimus certi nomen habere Dei?

AD EVNDEM.

IN sylvis iactat qualis sua bracchia cælo,

Et pandit crines quercus amata Ioui:

Lucifer & qualis claro se tollit ab ortu,

Sideribus cunctis pulchrior ipse micans:

Tale illustre decus, talis tua gloria, THOMA,

Auratas

*Auratas pennas explicat alma polo.  
Teq; velit celebris vitrei trans marmora ponti, 6  
Atq; super nubes nomen in astra tuum.  
Ta igitur felix, tantum cui fata dedere  
Insigni meritis promeruisse decus.*

*AD EVNDEM.*

*AVREA quod nobis sub te sint Praside secla,  
Quid mirum? nomen si tibi prabet amor.*

*Illustriss. Dominationis Tuae*

*Deditissimus*

*Petrusfranciscus Toccolus Veronenfis*